



3 1761 06588673 1

BRIEF

PKA

0019157

ब्यावर तेजाजी

तर्ज गाज्यो गाज्यो



रचयिता :—

प्रतापरामजी महाराज, ब्यावर निवासी

प्रकाशक :—

लचन्द बुकसेलर, पुरानी मंडी

अजमेर (राजस्थान)

[मुरक्षित]

[मूल्य ४० पैसे]

SHASTRI INDO-CANADIAN INSTITUTE

156 GOLF LINKS,
NEW DELHI-110003. INDIA



सिंहजी महाराज, ज्ञानेश्वर महाराज, ज्ञानेश्वर महाराज, ज्ञानेश्वर महाराज

हिंदी भाषा, उद्दिष्ट, ज्ञानेश्वर

(संस्कृत) भाषा


संस्कृत भाषा

संस्कृत भाषा

कंवर तेजाजी

तर्ज-रेकांड

मंगलाचरण दोहा



मिवरुं गणपत सुरस्ती, सतगुरु श्री भगवान् ।
तेज कथा प्रारम्भ करूं, दो बुद्धी बल ज्ञान ॥१॥
नगर नागौर अद्भुत आत, पास खरनाल्या ग्राम ।
तेजाजी प्रगट भये, सेवा सालगराम ॥२॥
धन, धन, धन माता पिता, धन धन, कुटुम्ब परिवार,
धन खरिनाल्या ग्राम को जन्मे तेज कुंवार ॥१॥
भादव की एकादशी, शुभ दिन मंगलवार ।
शुक्ल पक्ष शुभ दिन घड़ी आये धोलिया द्वार ॥२॥
पूजा कीनी प्रेम से, बासक दियो वरदान ।
सम्बत् तेरहसो मध्य में जन्मे तेज सुजान ॥५॥



तेजाजी महाराज की कथा प्रारम्भ

❀ गायन ❀

कीना कीना सोलह मिनगार माता सोनी हो
 वासग की सेवा तो माता दाबली ।।टेर।।
 उगो २ कासवजी रो भाण बीरा मारा वो
 खुशियां तो छाई रङ्ग रावले ॥१॥
 जनम्या २ तेज कंवार बीरा मारा वो
 बधाई बांटी खरनाल्या ग्राम में ॥२॥
 बीत्या २ दिन दो चार बीरा मारा वो
 जलवा तो पूजी है माता प्रेम सून ॥३॥
 दिनो २ तेजल नाम वरा माग वों
 पंडित ने दीनो हैं पको पेटियो ॥४॥
 और बंधाई जरकस पाग बीरा मारा वो
 पांच मोहरां तो दीनी रोकड़ी ॥५॥
 गावे २ मंगला चार बीरा मारा वो
 सखियां ता सरावे तेज कंवार ने ॥६॥
 अद्भुत रूप अनूप बीरा मारा वो
 सूरत तो चमके है भलहल भाण ज्युं ॥७॥
 कीना २ बगतोजी विचार बीरा मारा वो
 तीरथ तो करबारी मन में धार ली ॥८॥
 प्रतापराम गुरु पाया बीरा मारा वो
 धनाराम तेजाजी ने वीणवे ॥९॥

* दोहा *

पति पत्नी मिल चालिया संग में तेज कंवार ।
 भाई भतीजा साथ में न्हाया हरि द्वार ।
 बगताजी री नारी गङ्गा घाट पर न्हाया वो
 पंडित जिमाया जिन प्रेम सूं ॥१॥
 गङ्गमलजीरी नारी गङ्गा घाट पर मिलिया वो
 मंग में तो पेमल वारे डावडी । २॥
 दान पुण्य तो दियो मोकलो साधु नित जिमाया वो ।
 दो दो तो म्होरां दीनी है रोकडी ॥३॥
 पनेर ग्रामरा राङ्गमल मृथा बगताजी ने मिलिया वो ।
 बगतो जी जाट कहीजे धोलिया ॥४॥
 हिलमिल सारा तीरथ कीना पाछा पुष्कर आया वो ।
 प्रेम बांदण री मन में भावना ॥५॥
 प्रतापराम गुरु पूरा मिलिया धनागम गुण गाया वो ।
 भगतां री आशा तो पूरे रामजी ॥६॥

वीर तेजाजी का विवाह

तेजाजी री करी सगाई झटपट ब्याव रचाया वो ।
 थाली में परणार्ई पेमल डावडी ॥१॥
 सात मास की कन्या पेमल नो मास का तेजा वो ।
 सखियां तो गावे है मिल सोलवा ॥२॥

बगतोजी तो आया खरनाल्या घर २ बांटी बधाई वो ।
 गत तो जगाई धावलिये डांगड़ी ॥३॥
 गांव पनेर राइमलजी पुगा भाई हुया सब मेला वो ।
 पेमल ने परणाई खरनाल्या ग्राम में ॥४॥
 राइमलजी रो काको बोल्यो ओ काई अनरथ कीनो वो ।
 वैर तो मांगा धावलिया में आगलो ॥५॥
 राइमल जी के शंका पड़गी काके वचन सुणाया वो ।
 घर में तो समझाई अपनी नार ने । ६॥
 प्रतापराम गुरु पूरा मिलिया सिवरण सत समझाया वो ।
 धनो राम जम गावे तेज कंवार का ॥७॥

❀ सोरठा ❀

तेजा थारो तेज छिपे ना तीनों लोक में
 सूरज किण समान चरो खिले गुलाब ज्युं ।
 बरस अठारा मांय आय बीरा मारा वो ।
 हलियो तो लीनो तेजल हाथ में ॥१॥
 बावे बावे खेत तेजाजी बीरा मारा वो ।
 अजब अनोखा ज्यारे बैलिया ॥२॥
 लावे लावे बेहनड़ बीज बीरा मीरा वो ।
 भातो तो लावे भावज प्रेम सूं ॥३॥
 गहरी गहरी लागी भूक भावज म्हारी वो ।
 मोहो तो कियो है किण कारणे ॥४॥

आई आई घरां सु वेग देवर म्हारा वो ।
 गेतो तो छोड़यो पींगे डावड़ो ॥५॥
 इती इती बात काई केवो देवश म्हारा वो ।
 परणी तो बैठी है पीयूष मांयने ॥६॥
 लागो लागो कालजिया में तीर भावज म्हारी वो ।
 दिन री उगाली जाऊं सासरे ॥७॥
 प्रतापराम गुरू पूरा मिलिया सत्य सार बताई वो ।
 धनो कहे तेजाजी जावे सासरे ॥८॥

* दोहा *

पंडित पतड़ों देखियो मोहरत मिलियो नांय ।
 राहु शनी के बीच में पंडित कह समझाय ॥
 झूठी झूठी बात करे काई पण्डित भोला वो ।
 दीन री उगाली जाऊं सासरे ॥९॥
 कीनी कीनी लीलड़ ऊपर जीण बीरा मारा वो ।
 चढ़नां तो झीकी है सामी झोकरी ॥१०॥
 आई आई खाली पनीहार बीरा मारा वो ।
 सामा तो पलाऊं तीतर बोलिया ॥११॥
 घटा चढ़ी है घनघोर बीरा मारा वो ।
 धराऊं दिमा में दमके दामणी ॥१२॥
 बरसे-बरसे मूसलवार बीरा म्हारा वो ।
 नदियां तो खडकी मारग मांयने ॥१३॥

पूगा २ गांव पनेर बीरा म्हारा वो
बाकी तो तड़को रेगियो पोर को ॥१४॥

❀ दोहा ❀

रैण गई दिन ऊगियो, पानी भरे पनिदार ।

लीलण हरीयो चर रही, ऊभो तेज कंवार ॥

सरवरियारी पाल ऊपर कंवर तेजो उबो ओ ।

पूछे पनिपारियां किण गांव रा ॥१५॥

जात धाबलिया नाम है तेजो खरनाल्या वासीओ ।

रायमलजी भूते रे घर पावणा ॥१६॥

तेजाजीरी सगी साली चम्पाबाई बोल्या ओ ।

हालो जीजाजी घर आपणे ।

जाओ सालीजी थोड़ी देर माने लागे ओ ।

तोर सरवरियारी म्हे तो सांपड़ां ॥१७॥

घरे जाय बाईजी पूगा सुनलो माता मारी ओ ।

तेजाजी बहनोई आया पावणा ॥१८॥

उठ पेवल बड़का सूं बोली सुनले चम्पाबाई ओ ।

मासा क्यों बोले सगी बहन ने ॥१९॥

लालण होज पोल में कोनी घर तेजाजी आयाओ ।

सासू कह भड़काया गहरा बांछड़ा ॥२०॥

गूबला खार प्रेम से रांघो राग अनेक बनाया ओ ।

देशा गेहूं रा पतला फांकरा ॥२१॥

साला बहनोई जोमणने बैठा रुच २ भोग लगावेओ ।

मजड़ा री बातों कीन्हों प्रेम सू ॥२१॥
 घर २ माई वंटी बधाई मन में प्रेम सवाया ओ ।
 सखियां तो गावे कंवर ने सौलवां ॥२२॥
 शाम पड़ी दीपक मन्जीयो हींगलू खाट ढलाई ओ ।
 ऊंची तो मेंडी में कुंवर पोढ़ियो ।
 लागी आंख लाछो कुरलाई दोड़ गुजरी आईओ ।
 गायां तो ले जावे, म्हारी धार सू ॥२३॥
 शस्त्र बांध कंवरजी सजिया लीलण की असवारी ओ ।
 बार तो चढ़िया बनी बीच में ॥२४॥
 लाय जो लागी जलता नाग बचाया ओ ।
 अनरथ काई कीनो सांवत सूरमा ॥२५॥

❀ दोहा ❀

बामन मुख से बोलिया क्यों बचायो तेज ।
 अग्नि लागी अंग में नहीं दर्शन में जेज ॥
 दीना २ वचन तेजल वीर नाग राजा ओ ।
 सूरज की साखी तो बंबी आव सू ॥२६॥
 आडी द्योड़ी ऊंची डूंगरियां भोम करारी ओ ।
 भाग्या जावे रे मीणा चोरटा ॥२७॥
 आडो मारग आय कंवर जी सम्मुख लडी लड़ाई ओ ।
 केई तो चोरां ने उठे मारिया ॥२८॥
 गायां जोड़र चोर भाग्या तेजल पाछा आयाओ ।
 मारी सम्भालो गायां गूजरी ॥२९॥

एक वेलियो लारे झोडयो गायं अधूरी लायाओ ।
गायां में परमुख काणों टोगडो । ३० ।
पाछा गया तेजाजी जंगल से काणों ल्याया वो ।
मीणा तो मारया पूरा एक सौ ॥३१॥

लाओ गुजरी राजी हो गई भला गांव में आयाओ ।
जीजाजी पधारिया कृपा राम री ॥

पाछा मुड़िया गया बम्बी पर जागो बासग कालाओ ।
वचना रो बन्धियों तेजो आवियो ॥३२॥

भक्के जागी पदम नागणी सुग कीकर आयाओ ।
काला रो खायोडो कोई नहीं जीवे ॥३३॥

कहे कंवर सुनलो माताजी छुता नाग जगाओओ ।
म्हारी तो प्रतीक्षा राखी राम जी ॥३४॥

कहे नागणी सुनों नागजी काई थे नींद गुगओओ ।
बम्बी पर आयो वेटो जाट का ॥३५॥

मरोड़ कर मिणधारी उठिया सुनये नागण प्यारीओ ।
वचना रो बांधियो तेजो आवियो ॥३६॥

लोई जान केपरिया जामा विगत कई नहीं जावेओ ।
तीरां रो बिंदियोडो सारो अंग है ॥३७॥

बासग कहे सुनोओ तेजा पाछा घरां ने जावोओ ।
आदर तो कीन्हों तेजा आय ने ॥३८॥

वचन पाल बम्बी पर आयो अब मत देर लगाओ ओ ।

जीभ कंवारी मूंडे मांयने ॥३९॥
 मासु सगप डसो तेजा ने बालक टंक लगायोओ ।
 धरती पर पड़ियो धमके से आयके ॥४०॥
 रंबागी मारग में मिलियो आजो बीरा म्हाराओ ।
 पेमल ने दीज्ये मारो मोलियो ॥४१॥
 ले मोल्यो चाल्यो देवासी गांव पनेर में आयोओ ।
 पेमल तो ऊभी उड़ावे कागला ॥४२॥
 कहे देवासी सुनवाई पेमल नीचा वेग पधारोओ ।
 थांपर तो कोंपिया दीनानाथ जीं ॥४३॥
 मोल्यो देख पड़ी बाई पेमल कुरजां ज्युं कुरलावेओ ।
 निगह तो हो गई है सारा गांव में ॥४४॥
 कहे देवमी सुनवाई पेमल तेजल स्वर्ग सिधारयोओ ।
 बिकट बनी में बम्बी नाग री ॥४५॥
 नीलो नारियल लियो सती पेमल सोलह शृङ्गार सजायाओ ।
 सत्ती तो होवारी मन में धारली ॥४६॥
 बरजे बाप और भाई भोजाई बरजे बांगी जगनीओ ।
 माला तो फेरेनी सालग रामरी ॥४७॥
 सज सोला शृंगार सती तो आयी बम्बी उपर ओ ।
 आतो कांई कीन्हीं म्हाने रामजीं ॥४८॥
 येमल कहे सुनो म्हागी लीलण सांवी मनरी बातोंओ ।
 सन्देशो कर दीज्यो खरनालिये गांव में ॥४९॥

चन्दन की लकड़ी कर भेली सब मिल चिता बनाईओ ।
 सती पति ने लोटा गोंद में ॥५०॥
 हाथ जोड़ ने करे वीनती सुनजो म्हारा भाई ओ ।
 जागण तो दीज्यो नम रातरी ॥५१॥
 मास भादवो १० देवली पूजे नर व नारी ओ ।
 पर्चा तो पावे भाईयों प्रेम खं ॥५२॥
 प्रत्यक्ष पर्चो देख तेज को काला रो जहर उतारेओ ।
 कर्मोरा लिखियोड़ा भाईयों ना टले ॥५३॥
 कासव सुन ने करे वीनती राखो लाज हमारी ओ ।
 ज्वाला तो प्रकटी चारों ओर से ॥५४॥
 खेताराभ साम्रथ गुरु मिलिया सांचा भेद बतायाओ ।
 दास प्रताप वीरों ने वीनवे ॥५५॥

❀ दोहा ❀

सुण बटाउ के वचन को पेपल हुई बेहाल ।
 ऊपर से नीचे पड़ीं धरती पर तत्काल ॥१॥
 मरनाज्ये नीलड़ गई सुणले भावज वैण ।
 तेजल माले सुरग में पाणी ढलके नेण ॥२॥
 भाभी मुणियो वचन हिवड़े उठी झाल ।
 आ मालिक काई करी हेलो सुनो प्रतिपाल ॥३॥
 जननी बिलखे पुत्र को मासु दियो मराप ।
 मगी बहन मत्ती हुई जुरे पुत्र को बाप ॥४॥

❀ टुकड़ी राग लावणी ❀

ओ तुम सुन लेना नर नार हकीकत सारी ।
 तेजाजी धवलिया जाट वीर तप धारी ॥टेरा॥
 भावज ने बोला बोल जोग में आया ।
 घोड़ी पर कीन्ही जीण सासरे धाया ।
 मेंह बरसे मुमलधार रात अंधियारी ॥१॥
 लिखा विधि विधान कहा नहीं जावे ।
 सासू दियो सराप निमित्त कहलावे ।
 वो पैमल का भरतार महान बलकारी ॥२॥
 पोडिया बहल के घांही गूजरी आई ।
 झहारी गायां ले गया चोर घणी कुरलाई ।
 चढ़िया कंवर जब बाहर दौड़कर प्यारी ॥३॥
 विकट बनी में लाय अचानक लागी ।
 जलतो देखियो सांप तेज बड़ भागी ।
 लीना प्राण उबार कोप्यो मिणधारी ॥४॥
 कहे वचन यों नाग कंवर सुण तेजा ।
 मेरा बचाया प्राण काम किया बेजा ।
 सुण सांवत सरदार मौत आई थारी ॥५॥
 सुण वचन नाग का तेज कंवर यों बोला ।
 तेरा बचाया प्राण होनी सो होला ।
 जाऊं गायां की लार कहे प्रण धारी ॥६॥

लीना बचन है नाग वरदान का माया ।
 होमी थारी जीत कहर अब धाया ।
 बाजे रण तलवार चले ओ कटारी । ७ ।
 कई मीणां को मार गायां ले आया ।
 लाछां गूजरी मोसा एक सुनाया ।
 छोटयो केरड़ो लार हार हुई थारी ॥८॥
 सुन लाछां का बचन जोश में आया ।
 सो सो मीणां ने मार केरड़ो लाया ।
 छलनी हुयो शरीर हिम्मत नहीं हारी ॥९॥
 बचनों का बंधिया तेज बंधी पर आया ।
 नाग दियो वरदान जीभ के खाया ।
 देश देश में पूजा होवेली थारी ॥१०॥
 राजस्थान में व्यावर शहर है पाया ।
 और तेजाजी का चौक मरे बन भाया ।
 दसम ग्यारस धोक देवे नर नारी ॥११॥
 मिले पर्वी तत्काल यात्री आवे ।
 लुल लुल कर देवे ढोक नारेल चढ़ावे ।
 बड़ा कम्पनी बाग खिली गुल क्यारी ॥१२॥
 मल्ले की महिमा श्रद्धा करके गावे ।
 अन धन बटे आनन्द जो पर्वी पावे ।
 कर जोड़ कहे प्रताप जाऊं बलिहारी ॥१३॥

जीवन को ऊंचा उठाने वाली पुस्तकें

| | |
|--------------------------------|------------------------|
| कबीर बीजक भाषा टीका १५-०० | तत्व बोध भजन माला |
| कबीर संतोष बोध बड़ा ७-५० | तत्व बोधनी |
| गुरु-चेला संवाद ५-०० | आत्म विवेक |
| कबीर बीजक मूल २-०० | सुन्दर विलास बम्बई |
| कबीर कसोटी बम्बई २-०० | सुन्दर पद्यवाणी संग्रह |
| कबीर भजन बड़ा २-०० | गोरख बोध बड़ा |
| कबीर भजन गुटका १-०० | गोरख पद्धति बम्बई |
| अचलराम भजन प्रकाश ४-५० | रैदास रामायण |
| वाणी प्रकाश बड़ा जोधपुर ६-५० | रामदेव चौबीस प्रमाण |
| हरी सागर हरीरामजी कृत ५-५० | रामदेव लीला प्रमाण |
| सुगम चिकित्सा प्रथम भाग ६-०० | अस्तावक्र गीता बड़ी |
| सुगम चिकित्सा दूसरा भाग ६-०० | प्रतापराम भजन माला |
| छमाराम अनुभव प्रकाश ६-०० | पंची करण भाषा टीका |
| कल्याण भारती का शास्त्र ७-५० | विचार चन्द्रोदय बम्बई |
| अनुभव प्रकाश बना नाथ ३-०० | विचार सागर बड़ा बम्बई |
| ब्रह्म ज्ञान भक्ति प्रकाश ४-५० | विचार सागर भाषा |
| संतोष बोध वाणी प्रकाश १-२५ | ब्रह्मानन्द भजन माला |
| ईसरराम वाणी प्रकाश १-२५ | प्राचीन भजनावली |
| शमलाल भजन संग्रह १-०० | सनातन भजन दीपिका |
| मनूराम भजन प्रकाश १-२५ | रामदेव ब्रह्म पुराण |
| ब्रह्म ज्ञान मुक्ति मूल ३-०० | सुध-बुध सवलंगा की वात |
| आत्म बोध भजन माला १-२५ | इन्द्र जाल बड़ा |

२)०० रु. एडवांस आये बिना पुस्तक नहीं भेजी जायेगी

डाक खर्च अलग होगा

पता—श्रायें ब्रवर्स बुकसेलर, पुरानी मण्डी, अजमेर (

श्रावरण मुद्रक—अजमेर आर्ट प्रिण्टर्स, अजमेर ।

BRIEF

PKA

0019157

I-H
X7-911813

लेखक प्रतापराज. — अजमेर : फूलचन्द बुक-

raj, folk deity of Rajasthan.

I-H-14720

MCH

UTL AT DOWNSVIEW



D RANGE BAY SHLF POS ITEM C
39 09 03 25 10 002 8